

Resúmen

Enkargo i investigashon

Riba 4 di òktober 2022 sekretario di estado di Infrastruktura i Kalidat di Awa (IenW) a pidi Inspekshon di Medioambiente i Transporte (Inspectie Leefomgeving en Transport (ILT), pa hasi un investigashon riba otorgamentu di pèrmitnan di mantenshon (di lei) i supervishon (VTH), na Boneiru, Sint Eustatius i Saba. E sekretario di estado a pidi tambe pa hasi rekomendashonnan pa mehorá e sistema di VHT i pa introdusí asina yamá 'checks and balances'. A hasi e investigashon den koordinashon ku minister di Naturalesa i Nitrógeno di ministerio di Agrikultura, Naturalesa i Kalidat di Alimento (LNV).

E rapòrt aki ta kumpli ku e petishon akí i ta limitá su mes na e ehekushon di e tareanan di VTH di parti di Entidat Públiko Saba (OLS) relashoná ku konstrukshon, medioambiente i naturalesa. Pa e investigashon e tim di proyekto di ILT i LNV a hasi 2 bishita na Saba. Mas aleu a tene entrevista i a studia dokumento i rapòrt. Empleadonan di EPS, sin duda, a suministrá informashon pa e investigashon i a pèrkurá pa e tim di proyekto por a entrevistá e personanan deseá.

Resultado

ILT ta konkluí ku implementashon di tareanan di VTH relashoná ku konstrukshon, medioambiente i naturalesa na Saba no ta kumpli ku e rekisitonan legal i ordenansanan lokal. E konklushon akí ta basá riba e siguiente opservashonnan.

Dunamentu di pèrmit

- Tin un Ordenansa di Molèster na vigor, por no a apuntá kompanianan ku tin mester di un pèrmit basá riba e ordenansa akí.
- OLS no tin un lista aktualisá di kompanianan ku, despues ku e Desishon Organisashon i Aktivitat (Inrichtingen- en Activiteitenbesluit BES (IAB BES) a drenta na vigor, tin mester di un pèrmit òf tin e obligashon pa registrá nan mes.
- Kasi no ta dunando pèrmit.

Ehèmpel

E kompania di Saba ku ta prosesá desperdisio ta rekohe sushi di kas i di kompania, ta separá distinto fluho i ta eksportá un gran parti di e sushi. Den pasado tabata kima diferente fluho di sushi. A limitá e kimamentu awor na palu i desperdisio médiko. E kompania akí no tin mester di un obligashon di pèrmit, no a stipulá eksigensianan pa por ehèmpel aseptashon di sushi, emishon di e instalashon di kombustion den aire (emishon) òf pa almasenamentu di shinishi di kombustion.

Supervishon

- OLS no ta hasi supervishon relashoná ku konstrukshon, medioambiente/molèster òf naturalesa.

Ehèmpel

Un kompania ta konsistí di diferente parti ku ta keda pegá ku otro: un sitio pa saka piedra, un stashon pa yen silinder di gas, un lugá pa tènk i almasená kombustibel líkido. E kompania akí no ta regulá pa medio di un pèrmit, OLS no ta hasi supervishon.

Mantenshon

- Debí na falta di supervishon no tin mantenshon (di lei) ta tumando lugá.

E kousanan di esaki

OLS ta konfrontando diferente puntonan problemátiko ku ta strobando implementashon adekuaado di VTH. ILT ta distinguí diferente motibu al respekto .

Personal i organisashon

- A nombra un dunadó di pèrmit pa konstrukshon, pero ningun dunadó di pèrmit pa pèrmitnan di molèster òf naturalesa.
- Falta supervisoran pa pèrmitnan di molèster i konstrukshon. No ta yena e vakatura pa un inspektor di konstrukshon ku ta habrí.

Rekurso i prosesonan

- No a traha un plan di supervishon pa naturalesa.
- No tin sistemanan di sosten pa VHT i registrashon i archivamentu di dokumento presente. Pa e motibu ei no tin un bista general.

Kultura i influensia atministrativo

- Ta duna guia ad hoc na kolaboradónan di OLS a base di un akuerdo ku kolegio ehekutivo (BC) a sera di antemano. Pa e motibu ei por papia di un kontrol direkto riba e trabounan diario.

Partisipashon di Gobièrnu Sentral

- Gobièrnu Sentral tin un partisipashon limitá den dunamentu di sosten na e proseso di VTH pa konstrukshon, medioambiente òf naturalesa.
- Apesar di e echo ku OLS no ta implementá tareanan di VHT pa konstrukshon i naturalesa, e Representante di Reino (RV), no a hasi investigashon mas detayá den kuadro di supervishon intergubernamental (IBT). Molèster na e momentunan akí no ta kai bou di IBT.
- Aplikashon di IBT di parti di RV ta ser kompliká, komo ku e tin e kompetensia si, pero no a nombra supervisoran pa apoy'é den su tareanan.

Konklushon

Ehekushon di e tareanan di VHT di parti di OLS no ta na òrdu. Ademas falta 'checks and balances' den e organisashon. E interesnan ku legishon riba tereno di konstrukshon, medioambiente i naturalesa ta pretendé di protehé, no ta protehé òf no ta protehé sufisientemente. Debí na hopi kousa, tin bia fuertemente ligá ku otro, tin mester di un kambio fundamental den ehekushon di e tareanan di VHT pa logra mehorashon.

Rekomendashonnan

ILT ta hasi e siguiente rekomendashonnan pa mehorá ehekushon di e tareanan di VHT relashoná ku konstrukshon, medioambiente i naturalesa.

Rekomendashon 1 (Gobièrnu Sentral)

Riba término kòrtiku mester pone ehekushon di henter e pakete di tarea di VHT pa konstrukshon, medioambiente i naturalesa, bou di 1 serviso ambiental eksistente na Hulanda Oropeo. Asina ta garantisá konosementu, eksperensia i kontinuidat i ta logra tene gobièrnu na un distansia.

- Konforme e situashon na Hulanda Oropeo, e kompetensia i responsabilidad final ta keda den man di e entidat públiko. E serviso ambiental ta ehekutá e tareanan. OLS ta duna mandato na e direktor di e serviso ambiental akí pa firma pèrmit- i desishonnan di mantenshon (di lei).
- Kuminsá inmediateamente ku inventarisashon i eliminashon di retrasonan den dunamentu di pèrmit den OLS, ku sosten i guia di e serviso ambiental.
- Debí na e distansia físiko grandi ku Saba, ehekushon diario di e tareanan di VHT ta rekerí atenshon speshal. Por logra esaki pa medio di embolbimentu estrecho di e dunadónan di pèrmit i supervisoran di OLB den ehekushon di e tareanan di parti di e serviso ambiental.

Rekomendashon 2 (OLS)

Atendé rápido i dirigi, e puntonan problemátiko señalá den e organisashon atministrativo di OLS, den estrecho kooperashon ku e serviso ambiental. Apesar di rekomendashon 1, OLS lo keda ehekutá un parti di e proseso di VHT.

- Personal i organisashon: Duna prioridat na rekrutamentu pa e vakaturanan den e proseso di VTH.
- Guia: Stipulá prioridatnan anualmente i mara esakinan na un planifikashon konkreto di e trabounan. Ehekutá e trabounan i vigilá nan progreso.
- Uso di ICT: Hasi un eskoho kla pa sistemanan di apoyo. Pèrkurá pa instrukshon di e kolaboradónan i guia nan pa nan hasi uso konsekuente di e sistemanan akí.

Rekomendashon 3 (Gobièrnu Sentral i OLS)

Pèrkurá den koordinashon estrecho ku OLS, pa legislashon i regulashon aktualisá i adekuaado pa konstrukshon, medioambiente i naturalesa.

- Spesifikamente pa konstrukshon: Evaluá e 'Building and Housing Ordinance' (OLS i Gobièrnu Sentral). Hasi uso di e kódigo di BES pa duna kontenido na e eksigensianan funshonal di e desishon di konstrukshon i ankra e kódigo akí den un Areglo Ministerial.
- Spesifikamente pa medioambiente: Pèrkurá pa implementashon rápido di e IAB BES, di manera ku ta regulá e kompanianan ku tin mas impakto riba medioambiente. IAB BES ta duna e kuadro aktual i kla pa programashon i implementashon di dunamentu di pèrmit i supervishon. Den e palabrashon aktual pa e implementashon drenta gradualmente na vigor pa Saba, ta surgi un aktitut di sinta warda serka OLS i e empresarionan. No por regulá e impaktonan ambiental debí na aktividatnan komersial empresarial, tanten ku e IAB BES no a drenta na vigor.

Rekomendashon 4 (Gobièrnu Sentral)

Fortalesé e posishon di Representante di Reino pa implementashon di e tarea di IBT.

- Stipulá un kuadro di maneho pa aplikashon di instrumentonan di IBT. Nombra supervisor nan pa garantisá sosten atministrativo di e Representante di Reino, ora di ehersé su tarea di IBT.